

1276 August 9 Horstmar.

[46 113

Bischof Everhard von Münster überweist den Hof Niehoff dem Kloster Barlar. Everhardus, Dei gratia Monasteriensis episcopus, universis praesentia visuris notum facimus, quod nos recepta libera resignatione curtis, quae Niehoff dicitur, ac domus in Vorde cum suis attinentiis sitis in parochia Osterwich a Wilhelmo de Lon, Jutta eius uxore, Gerlaco et Aleide eorum liberis, Theoderico fratre dicti Wilhelmi ac Aleide filia Gerlaci fratris ipsius Wilhelmi,

quae iidem jure proprietario possidebant, quaesivimus a nobili viro Ludolpho domino de Stenvorde, fideli nostro, an nos bona huiusmodi sic libere in manus nostras resignata possemus conferre libere, cui vellemus, perpetuo possidenda; idem vero nobilis habito tam nobilium quam ministerialium nostrorum quam plurium consilio sentenciando diffinivit, quod ipsa bona possemus libere conferre, cui vellemus, quae sententia fuit ab omnibus nobilibus et ministerialibus nostris praesentibus approbata. Nos autem consideratis meritis dilectorum in Christo Wilhelmi praepositi et conventus in Varlare ordinis Praemonstratensis, nostrae dioecesis, ipsis dicta bona jure proprietario contulimus perpetuo possidenda. Actum et sentenciatum praesentibus Goswino praeposito Daventriensi; Ludolpho et Baldewino nobilibus de Stenvorde fratribus; Godescalco de Heck, Hermannno de Legden et Richardo de Legden ministerialibus; Bernardo plebano in Horstmare et Luberto nostro capellano et aliis quam pluribus tam clericis quam laicis apud Horstmare in vigilia beati Laurentii, anno Domini M^oCC^oLXX sexto.

Kopie im Barlarer Kopiar S. 100/101.